

佛說釋摩男本經四子經

吳月支優婆塞支謙譯

聞如是一時佛在釋羈瘦國行在迦維羅衛
兜毘拘類國園坐於樹下是時有釋人名曰

摩男到佛所前以頭面著佛足爲禮白佛言
我常聞佛語輒著意中我聞佛說人心有三
態有婬態有怒態有癡態我從聞以來常著
意我自念無有婬態心自爲正無有怒態心
自爲正無有癡態心自爲正我自念常持是
三者意不動何因緣殊不解佛言若婬心怒
心癡心解者何因緣復與妻子共居若有貪
心故其有賢者自思惟雖有緣小苦耳久後
大樂與妻子共居須臾樂耳久後大苦其有
賢者知世間樂少苦多佛言諸比丘得阿羅
漢道知世間樂少苦多我故求佛道者但念
世間樂少苦多我爲菩薩時常念樂少苦多

摩男言獨佛阿羅漢有是念耳佛告摩男聽
我言以著心中人於世間何等爲樂凡有五
樂人所貪喜眼貪好色即著心中晝夜念之
以好色貪著耳間好聲鼻聞好香舌喜美味
身得細軟即著心中以好色貪著如是五者
天下人所貪天下樂著皆出是五事知當出
止七

六

幾何憂世間人或作田家從得生活或作工
師用得生活或作賈市用得生活或作長吏
用得生活或作畜牧用得生活或作畫師用
得生活是人寒者忍寒熱者忍熱苦者忍苦
飢者忍飢渴者忍渴俱坐貪意俱忍是寒溫
飢渴自惡言我治生若干歲苦欲死殊不得
錢財與寒苦共居或得病瘦佛告摩男是爲
一苦二事者貪婬之意中有人或作田家或
作工師或作市賈或作長吏或作畜牧或作
畫師行治生忍寒熱飢渴致貪錢財以得富
饒復懷憂恐畏縣官云其錢財或恐火起燒
其錢財或恐乘船船沒云其錢財或恐賊劫

取其錢財或恐賀賣云其錢財或恐貧家親屬持毒藥毒之或親子散云錢財是人常與重憂共居晝夜懷憂無有解已時中復有人持錢財行或逢縣官或逢水火或賀賣財物不還或埋置地中不知其處或有來誣謗之或有親子用父錢財其人自念我從少小治生忍寒熱飢渴忍勤苦致錢財令復云失從是憂念或病或死皆坐財故是皆貪意五樂所致是爲二苦三事者世間人坐錢父與子諍兄與弟諍夫與婦諍或知識朋友共諍或諸家內外共諍皆後相說惡露是皆貪樂所致世間人坐錢財故王者與王者鬪道人與道人鬪田家與田家鬪工師與工師鬪皆坐錢財故口相罵杖相捶刀相斫或相傷殺皆坐貪所致是爲三苦四事者世間人從軍受取官錢公知當行鬪戰生死無期皆貪心故行從軍以受官錢不得復休便鬪或傷頭或截頭或傷臂或截臂或傷腳或截腳展相奪

止七

七

命是皆貪所致是爲四苦五事者世間人貪意夜行穿人室壁或於道中劫人攻人城郭爲吏所得或截頭或截手或截腳或臙礲或割其肌或以火燒之或以大椎椎其額或斬其腰是皆貪意所致是爲五苦世間人坐錢財轉相欺口亦相欺身亦相欺相欺時自以爲可自用無有過罪不知殃毒在後當入地獄其有若賢者若沙門婆羅門自思惟世間五樂多耶憂苦多乎佛告摩男我爲菩薩時常念世間樂少苦多以是故求無爲之道其有人欲言世間樂者皆不知生死之道若世間有賢善心意無貪之志復欲教人莫令貪是最爲大德佛告摩男我嘗至在舍國有山名設提班毘瞿阿墮夫妻沛於我見諸尼捷種有被髮行者僂行者坐地者卧地者身體無衣皆被鹿皮佛遙見之前與尼捷語若何因緣作是曹被髮行何因緣於地坐卧亦無衣被自毒如是諸尼捷對佛言我曹先世行

惡所致令我今世困苦如是行惡未盡故耳
佛言若何因緣聞知是事先世所爲從人聞
耶自知之乎諸尼捷言亦不知亦不聞亦不
事師佛言若用是困苦故得脫於生死乎若
亦不從人聞亦不事師若空自困苦爲寧可
棄若所爲來事佛道佛言我但惜若身念若

子孫後世皆當復法效若曹所爲諸尼捷皆
瞋恚佛所言王萍沙用是沙門瞿曇爲內國
中佛告諸尼捷若曹勿恚王萍沙見受我經
戒不敢妄有所說佛告諸尼捷若曹寧能正
坐七日七夜不飲食不語言如是爲樂耶王
有宮闈妓樂爲樂耶尼捷言沙門瞿曇爲樂

止七

佛說釋摩男本經

佛言何以爲樂萍沙見國何以故不樂尼捷
言我曹少憂用是故沙門瞿曇勝王萍沙佛
告諸尼捷王萍沙有姪之意有怒之意有癡
之意亦欲伏諸傍臣復欲伏外諸民晝夜計
念當治誰當擊誰佛言其有姪者亦欲自殺
亦欲殺人瞋怒者亦欲自殺亦欲殺人癡者

諸尼捷受五戒著衣舉髮正行各自歸家佛
告摩男若聞經姪意怒意癡意若言我持佛
教若熟思惟是五事寧與世間等不摩男言
我當歸思惟諷誦是經典日當到佛所摩男
前爲佛作禮而去

止七

亦欲自殺亦欲殺人諸尼捷皆前到佛所白
佛言我曹亦無姪態亦無怒態亦無癡態寧
可作沙門佛言當歸報若父母諸尼捷言我
曹辭家學道便與父母波佛言若曹且受五
戒歸諸尼捷皆受五戒一者不殺二者不盜
三者不犯他家婦女四者不欺五者不飲酒